

nu eius est sinistra. Pars quæ spondiles Scorpionis continet, rara est. Quæ uerò hastulam sagittæ comprehendit, ipsa est admodum, ab hoc loco equalis seruatione uiae lacteæ latitudo usque ad uulturæ uolantem. Stella autem quæ habet postremum caudæ serpentis, præcedit marginem septentrionalem uno gradu ferè. Luminosam uerò quæ inter spatulas uulturis est, prope habet margo meridionalis. Sagittam præterea totam in hac zona uidebis. Dehinc ad Gallinam tendit. Latus enim septentrionale duas, quæ in pede meridiano sunt, stellas habet. Meridionale uerò eam quæ alæ sinistrae extrema cernitur. Postea margo septentrionalis meridianam trium stellarum, quæ in pileo Cephei sunt continet. Hoc etiam in loco duo rami considerantur extēdi. Vnus quidem ad septentrionem & Orientem: Alius uerò ad meridiem & Orientem. Totam denique Cassiopeiam comprehendit hæc zona, dempta unica quæ in extremitate pedis est stella, & partes extremæ densiores uidentur partibus medijs, quæ in hoc loco uiae lacteæ sunt. Latus exinde septentrionale huius zonæ, quod multæ raritatis est, stella in dextro genu Herculis sita terminatur. Meridionale uerò latus lucidiorē Herculis habet stellam, quod quidē dēstitatis est plurimæ. Ab hoc postea loco raritatē magnam habet hæc zona, cuius quidem latus septentrionale stellam Alhath, & duas quæ in brachio agitatoris dextro sunt præterit, eas enim in uia lactea uersus occidentem relinquit. Margini uerò meridionali, ea quæ in tali sinistro est, terminum ponit. Deinde procedit ad pedes Geminorum. Omnes namque quæ in pedibus sunt comprehendit stellas. Margo quoque eius occidentalis ad duas septentrionales, quæ sunt in manu Orionis terminatur. Duos etiam ca-

nes præterit, minorē quidem ad orientem, maiorē uerò occidentem uersus relinquens. Verum margo occidentalis eas quæ in collo sunt canis maioris ferè continet. Postea procedit hæc zona ad nauim. Comprehendit enim ferè omnes stellas clipei, qui est in capite nauis. Deinde transit per duas lucidas, quarum una est in latere nauis prope malum. Alia in pede mali, & tandem continuatur ei partem, à qua sumpsimus initium. Partialis autem zona, cuius supra meminimus, apud larem incipiens primas tres spondiles Scorpionis, quæ scilicet, in principio caudæ sunt transit. Stella uerò sequens cor Scorpionis, à margine occidentali remota est uno gradu ferè. Stella uerò quæ est in spondili quarta, uidetur in aëre puro inter hunc ramum & zonam principalem. Postea ramus ille ad zonam principalem in star portionis circuli se reflectit. Margo enim occidentalis eam quæ in genu dextro Serpentarij est, & eam quæ in cubito dextro situm habet complectitur. Orientalis itaque margo per talem dextrum, & stellam occidentalem quæ in manu dextra est incedit, hic quoque ramus ille terminum habet. Duæ namque stellæ quæ in cauda serpētis sunt, in cælo puro cernuntur. Ramus illæ plurimum habet raritatis, præter eam partem, quæ tres Scorpionis spondiles continet, hæc enim paulo densior est. Est & alius ramus siue partialis zona, cuius quidem terminus quatuor stellas quæ circa humerum dextrum Serpentarij sunt continet. Marginem autem orientalem prope modum contingit lucida, quæ in cauda uulturis uolantis est, occidentalem quoque una stellarum quæ circa serpentarium sunt, ab humero eius distantiissima terminat. Deinde procedit ad rostrum gallinæ cum angustia & raritate multa, adeo quod putetur interruptio